



Ulloq. 5. oktober 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqut:

- 1. Naalakkersuisut siuittaasuata suliamut attuumassuteqarpallaarnera pillugu Naalagaaffiup Eqqartuussissuerisuata (Kammeradvokatip) misissuinermit nalunaarusiaq tunniussimavaa. Sooruna kammeradvokatemut attaveqarnerit ingerlasimanagerat Naalakkersuisut siulittaasuanniit Inatsisartunut tunniukkumaneqangitsut?**
- 2. § 37 nr. 161-kut takuneqarsinnaavoq, Naalakkersuisut siulittaasuata Naalakkersuisoqarfiata Kammeradvokat-ip misissuitinnissaa aalajangersimagaa. Ima paasineqassava, kammeradvokat-ip misissuitinneqarnissaa naalakkersuisut ataatsimoorullugu aalajangersimangikkaat?**
- 3. Misissuinermit nalunaarusiaq 181.798,00 kr.-lerlugu inuiaqatigiinnit akilerneqarsimavoq, nalunaarusiap Inatsisartunut tunniukkumaneqanginnerata kingunerisaanik 181.798,00 kr.-it Kim Kielsen-imit akilerneqarniarpat?**

(Inatsisartuni ilaasortaqaq Hans Enoksen, Parti Naleraq)

Tunggavilersuut:

Pineqartoq pillugu §37-kut apeqquteqaatinnut nr. 161-imut akissutaasunut 30. September 2020-imik ullulerneqarsimasunut qujanaq. Taakualu akissutit pissutissaqartilersippaanga apeqquteqaqqinnissannut.

Inuiaqatigiit akiligaannik sullissinerit sulisitsinerillu tamarmik Inatsisartunut ilaasortanut minnerunngitsumillu Inatsisartut Ataatsimiititaliaannut isertuunneqarsinnaangillat. Imaappoq Naalakkersuisut suliaminnik Inatsisartunut isertuussisinnaangillat.

Naalakkersuisut sulisussaapput Inatsisartunit suliakkiissutineqartut naapertorlugit.

Ullut sulliviit qulit qaangiutsinnagit akineqarnissara kissaatigaara.